



ՔԱՀԱՆԱՅԻՑ ԴԱՍԻ ՀԱՆԴԻՊՈՒՄ ՄԱՅՐ ԱԹՈՌՈՒՄ

Վեհափառ Հայրապետի կարգադրությանը այս վերջին տարիների ընթացքում գեղեցիկ ավանդույթ է դարձել Մայր Աթոռում քահանայից հանդիպում հրավիրելը:

Այս տարի Մայր Աթոռ էին ժամանել Արարատյան, Շիրակի, Վրահայոց, Ադրբեջանի և Հյուսիսային Կովկասի ներքին թեմերից շուրջ 50 քահանա հայրեր:

Այս հանդիպմանը մասնակցեցին ուխտավորաբար Մայր Աթոռում գտնվող Երուսաղեմի սրբոց Հակոբյանց վանքից տ. Կյուրեղ ծ. վրդ. Գաբրիելյանը և տ. Բակուր արդ. Տառնըշյանը, Կ. Պոլսի պատրիարքությունից տ. Թաթևուլ քհն. Մալխասյանը և տ. Հարություն քհն. Հալանյանը, ԱՄՆ-ի հայոց թեմից՝ տ. Լևոն վրդ. Աբելյանը:

Քահանայական հանդիպմանը մասնակցում էին նաև Մայր Աթոռի միաբաններն ու սարկավագները:

Հոկտեմբերի 10-ին հանդիպման մասնակիցները ներկա են լինում Մայր տաճարում առաջնության ժամերգությանը, որից հետո Վեհափառ Հայրապետը քարեհանում է ընդունել բոլորին:

Ընդունելությանը ներկա են լինում նաև ուխտավորաբար Մայր Աթոռում գտնվող տ. Տիրան արքեպ. Ներսիսյանը, Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը և Մայր տաճարի լուսարարապետ տ. Հուսիկ եպս. Սանթրոքյանը:

Հոգևոր ճեմարանի տեսուչ տ. Հովհաննես քհն. Մարուքյանը Վեհափառ Հայրապետին է ներկայացնում քահանայական հանդիպ-

ման համար ժամանած բոլոր ներկաներին և խնդրում տալ իր օրհնությունը՝ կատարվելիք աշխատանքների հաջողության համար:

Վեհափառ Հայրապետը սիրով ողջունում է բոլորին և տալիս իր օրհնությունն ու հայրապետական պատգամը՝ շեշտելով նման հանդիպման հոգևոր նշանակությունը մեր եկեղեցու կյանքում:

Հոկտեմբերի 11-ին, չորեքշաբթի օրը, Մայր տաճարում, առաջնության ժամերգությունից հետո, հոգևոր ճեմարանի դահլիճում սկսվեցին դասախոսությունները տ. Տիրան արքեպ. Ներսիսյանի աղոթքով և նախագահությամբ:

Այնուհետև ողջույնի խոսքով հանդես եկավ հոգևոր ճեմարանի տեսուչ տ. Հովհաննես քհն. Մարուքյանը:

Առաջին օրը կարդացվեցին հետևյալ դասախոսությունները.

ա) «Հայ հոգևորականի հովվության բնույթը Ամերիկայի Միացյալ Նահանգներում», զեկուցող՝ տ. Լևոն վրդ. Աբելյան (Ամերիկայի Միացյալ Նահանգների հայոց թեմ):

բ) «Հայ անգլիկան եկեղեցին», զեկուցող՝ տ. Արսեն ծ. վրդ. Բերբերյան (Մայր Աթոռ ա. Էջմիածին):

Հոկտեմբերի 12-ին գումարվեց երկրորդ նիստը՝ տ. Տիրան արքեպ. Ներսիսյանի նախագահությամբ:

Այս նիստում կարդացվեցին հետևյալ դասախոսությունները.

ա) «Հայ Երուսաղեմ», նկարների ցուցադրությամբ, զեկուցող՝ տ. Կյուրեղ ծ. վրդ.

Գաթիկյան (Երուսաղեմի ա. Հակոբյանց ուխտից)։

բ) «Խաղաղությունը և հայ եկեղեցին», զեկուցող՝ տ. Եղիշե քհն. Բաղրամյան (վանահայր ա. Հովհաննես վանքի)։

գ) «Լսիր, ո՛վ Տեր, աղոթքը մեր ողբաձայն», զեկուցող՝ տ. Սարգիս քհն. Թաշնյան (Երևանի ա. Սարգիս եկեղեցի)։

Հոկտեմբերի 18-ին գումարվում է համոյիսման երրորդ միտը և կարդացվում են հետևյալ դասախոսությունները։

ա) «Կ. Պոլսի հայ եկեղեցական և մշակութային կյանքը», զեկուցող՝ տ. Հարություն ալազ քհն. Հալաճյան (Կ. Պոլսի հայոց ա. Վարդանանց եկեղեցի)։

բ) «Հայաստանյայց Մայր եկեղեցին», զեկուցող՝ տ. Տիրայր քհն. Կոնստյան (Թբիլիսիի ա. Գևորգ եկեղեցի)։

Յուրաքանչյուր միստում զեկուցումներից հետո տեղի էին ունենում մտքերի փոխանակություն։ Զեկուցողները պատասխանում էին ներկաների հարցերին, իսկ նախագահող տ. Տիրան արքեպիսկոպոսը վերջում

ամփոփում էր զեկուցումների առթիվ արտահայտված մտքերը և անում մի շարք օգտակար թելադրություններ։

Հոկտեմբերի 18-ին, ուրբաթ օրը, երբ ավարտվեցին զեկուցումները, հանդիպման մասնակից քոլոր ներկաները խմբովին ներկայացան Վեհափառ Հայրապետին՝ առանալու Նորին Սրբության օրհնությունը։

Տ. Հովհաննես քհն. Մարությանը հաստոտակի կերպով Վեհափառ Հայրապետին զեկուցեց հանդիպման աշխատանքների մասին և խնդրեց Նորին Սրբությանը՝ տալ իր օրհնությունը։

Վեհափառ Հայրապետը տալիս է իր օրհնությունն ու պատգամը՝ շեշտելով հատկապես քահանայից դասի հոգևոր ծառայության կարևորությունը հայ հաղատացյալ ժողովրդի կրոնական և հայրենասիրական դաստիարակության գործում։

Բոլոր ներկաները աջահամբույրով ստանում են Վեհափառ Հայրապետի հայրական օրհնությունները և վերադառնում իրենց պաշտոնատեղին։

